



ՄԱՍԼՈ ՀԱՂՈՐԴԱԳՐՈՒԹՅՈՒՆ

02 մարտի, 2018թ.

Երևան

«Կառուցողական երկխոսության հանձնառություն» ծրագրի աջակցությամբ 27 նոր հասարակական կազմակերպություն է գրանցվել

Եվրամիության կողմից ֆինանսավորվող «Կառուցողական երկխոսության հանձնառություն» ծրագրի շրջանակում շարունակվում է քաղաքացիական կազմակերպություններին (ՔՀԿ) իրավաբանական անվճար աջակցության տրամադրումը՝ կանոնադրությունը օրենքին համապատասխանեցնելու, ինչպես նոր ՀԿ կանոնադրություններ մշակելու և գրանցելու հարցում:

Գեղարքունիքի մարզում գործող և երեխաների բարեկեցության ապահովմանն ուղղությամբ ծրագրեր իրականացնող «Ընտանիք և համայնք» բարեգործական ՀԿ նախագահ Քնարիկ Գարանֆիլյանը նշում է, որ իրենց կազմակերպության կանոնադրությունը փոփոխելու գործընթացը բավականին հարթ է անցել՝ ծրագրի իրավաբան Լիանա Մակվեցյանի աջակցությամբ:

«Փետրվարի 2-ին իրավաբանական անձանց պետական ռեգիստրի կողմից հաստատվեց մեր կազմակերպության կանոնադրությունը: Մեր կանոնադրության մեջ փոփոխությունները վերաբերում էին նոր օրենքով սահմանված դրույթներին, շատ կարևոր է սահմանափակ անդամություն նախատեսող դրույթի ամրագրումը, ինչպես նաև շահառուների հիմնական խմբի նախատեսումը», - ասաց Քնարիկ Գարանֆիլյանը:

Ծրագրի իրավաբան Վաչե Բաղդասարյանի աջակցության այս տարվա փետրվարին իրավաբանական անձանց պետական ռեգիստրում վերագրանցվել է նաև «Արարատ քաղաքի գոհված և վիրավոր ազատամարտիկների ընտանիքներին աջակցող» ՀԿ-ի կանոնադրությունը, որը փոփոխվել է և համապատասխանեցվել նոր օրենսդրությանը:

«Մեր կազմակերպությունն իր գործունեության 4 տարիների ընթացքում աջակցում է գոհված և վիրավոր ազատամարտիկների ընտանիքներին՝ նրանց տրամադրելով օժանդակ հագուստ, էլեկտրական սայլակներ և ձեռքի ամրասայլակներ, սնունդ: Եվ մեր կանոնադրության համապատասխանեցումն օրենքին ու գրանցումը հնարավորություն է տալիս առանց խոչընդոտի շարունակել մեր այս գործը», - ասաց «Արարատ քաղաքի գոհված և վիրավոր ազատամարտիկների ընտանիքներին աջակցող» ՀԿ նախագահ Էմմա Կորնիենկուն:



Ծրագիրը ֆինանսավորվում է Եվրոպական միության կողմից: Հայաստանում Եվրոպական միության պատվիրակություն
Հեռախոս՝ +37410 54 64 94
Հեռապատճեն՝ +37410 54 64 95

Իրավաբանների հայկական ասոցիացիա
Հասցե՝ Կալաբուղյան 7, բն. 2 Երևան, Հայաստան, 0010
Հեռախոս՝ +37410 54 01 99
Հեռապատճեն՝ +37410 58 02 99

Եվրահանձնաժողովը ԵՄ գործադիր մարմինն է: Եվրամիությունն ունի 28 անդամ երկիր, որոնք որոշել են աստիճանաբար կապակցել իրենց նուր-հատն, ռեսուրսներն ու ուղիները: 50 տարվա քննարկման ժամանակահատվածում նրանք միասին ստեղծել են կայունության, ժողովրդավարության ու կայուն զարգացման տարածք՝ պահպանելով մշակութային զանազանությունը, հանդուրժողականությունը և յուրաքանչյուրի անկախությունը: Եվրամիությունը հանձնառու է կիսել իր ձեռքբերումներն ու արժեքները իր սահմաններից այն կողմ գտնվող երկրների ու ժողովուրդների հետ:

Այս տարվա մարտի 1-ի դրությամբ «Կառուցողական երկխոսության հանձնառություն» ծրագրի շրջանակում Երևանում և մարզերում տրամադրված իրավաբանական աջակցության շնորհիվ 154 հասարակական կազմակերպություն իր կանոնադրությունը փոփոխել և վերագրանցել է, և 27 նոր հասարակական կազմակերպություն է կանոնադրություն մշակել և գրանցել:

Եթե Դուք նույնպես քաղաքացիական ակտիվիստ ե՞ք և ցանկություն ունեք իրավաբանական աջակցություն ստանալու, ապա դիմեք մեզ info@armla.am հասցեով՝ առաջիկա դասընթացին գրանցվելու և իրավաբանական խորհրդատվություն ստանալու համար:

«Կառուցողական երկխոսության հանձնառություն» ծրագիրն իրականացվում է ԵՄ ֆինանսավորմամբ՝ «Իրավաբանների հայկական ասոցիացիա» ՀԿ-ի կողմից գործընկերներ «Ազոբա Սենթրլ Յուրոփ» ՀԿ-ի (Չեխիա), «Ժողովրդավարական կրթության հայկական կենտրոն-ՄԻՎԻՏԱՍ» ՀԿ-ի, «Մարդկային զարգացման միջազգային կենտրոն» ՀԿ-ի, «ՓՄՁ համագործակցության ասոցիացիա» ՀԿ-ի և «Հայաստանի համայնքների միություն» իրավաբանական անձանց միության հետ համագործակցությամբ:

Ծրագրի նպատակն է մեծացնել քաղաքացիական հասարակության կազմակերպությունների (ՔՀԿ) և դրանց կոալիցիաների/ցանցերի ազդեցությունը հանրային քաղաքականության մշակման գործընթացի վրա: Մա հնարավորություն կտա կազմակերպություններին (ովքեր արդեն իսկ աշխատում են թիրախային կոալիցիաներում) ձեռք բերել նոր ռեսուրսներ, քաղաքացիական փորձագետներին միավորել և խրախուսել իրենց մասնակցությունը տեղական և ազգային քաղաքականությունների օրակարգի ձևավորմանը, հատկորոշել ընդհանուր խնդիրներն ու առաջնահերթությունները և դիմել կառավարությանը՝ կառուցողական և ռազմավարական քաղաքականության վերաբերյալ նախաձեռնություններով:

Ծրագրի շրջանակներում ենթադրամաշնորհներ կտրամադրվեն ՔՀԿ-ներին և ՔՀԿ-ների կոալիցիաներին, որոնք կուղղվեն հանրային քաղաքականությունների զարգացմանն ու կունենան շոշափելի արդյունքներ 9 թիրախային ոլորտում, որոնցից են արդարադատությունը, կրթությունը և բիզնեսը:

Իրավաբանների հայկական ասոցիացիան (ԻՀԱ) ստեղծվել է 1995թ.-ին: ԻՀԱ-ի առաքելությունն է նպաստել Հայաստանում իրավունքի գերակայության, ժողովրդավարության և քաղաքացիական հասարակության կայացմանը, որտեղ բնակչությունն իրազեկ է, իսկ նրա իրավունքները՝ պաշտպանված: Մինչև 2016 թ. փետրվար ամիսը ԻՀԱ-ի անվանումն էր Հայաստանի երիտասարդ իրավաբանների ասոցիացիա:

Աստղիկ Կարապետյան
Հանրային կապերի համակարգող

Հեռ.՝ 540199

Էլ. Հասցե՝ info@armla.am

Կայք <http://www.armla.am>, <http://ccd.armla.am>

